

**Kantonaler Fischerei - Verband Graubünden**  
**Federaziun chantunala dals pestgaders grischuns**  
**Federazione cantonale die pescatori grigionese**



**Statuten – Statuts – Statuti**  
**Federaziun chantunala dals pestgaders grischuns**  
**(FCPGR)**

**Federaziun chantunala dals pestgaders grischuns  
(FCPGR)**

# **Statuts**

## **I. Intent e sedia**

### **Art. 1**

La Federaziun chantunala dals pestgaders grischuns (FCPGR) represchenta ils interess da ses commembers ed ha en spezial l'intenziun da mantegnair e promover la pestga e la tgira sistematica en las auas publicas da noss chantun. Ella promova la scolaziun da pestgaders giuvens e la collegialitad tranter ils pestgaders e sa defenda cunter tut las emprovas da remplazzar il sistem cumprovà da la pestga da patenta.

La Federaziun chantunala dals pestgaders grischuns tgira in fond da stadivas per mantegnair e promover la pestga e la tgira sistematica.

La sedia da la federaziun è mintgamai al domicil dal president chantunal.

## **II. Commembranza**

### **Art. 2**

Commembers da la Federaziun chantunala dals pestgaders grischuns (FCPGR) èn:

- a) uniuns localas da pestga (UP) dal chantun Grischun cun lur commembers activs, passivs, d'onur e libers sco era veterans.
- b) commembers d'onur chantunals.

La Federaziun chantunala dals pestgaders Grischuns cun tut sias uniuns da pestga è commembra da la Federaziun Svizra da Pestga (FSP). Ella po er esser commembra dad in'otra organisaziun tetgala.

Per exequir sias activitads po ella endrizzar in secretariat.

### **Art. 3**

L'annunzia per entrar e vegnir recepì en la federaziun chantunala sto vegnir inoltrada en scrit a la FCPGR. La recepziun succeda sin proposta da la suprastanza chantunala tras la radunanza da delegads ordinaria (RD).

### **Art. 4**

Sin proposta da la suprastanza chantunala pon persunas naturalas ch'èn sa fatgas spezialmain meritaivlas per la Federaziun chantunala dals pestgaders grischuns u la pestga en il Grischun vegnir designadas sco commembras d'onur.

Las uniuns da pestga (UP) e la suprastanza restrenschiada da la FCPGR pon inoltrar a la suprastanza chantunala propostas motivadas fin 2 emnas avant la conferenza dals presidents. Quella las suttametta silsunter a la radunanza da delegads. Commembers d'onur na ston pajar nagina contribuziun.

### **Art. 5**

Commembers activs che han cumplenì il 60avel onn da vegliadetgna l'onn chalendar e che appartegnan dapi almain 25 onns senz'interrupziun a la Federaziun chantunala dals pestgaders grischuns, vegnan designads sco veterans a chaschun da la RD ordinaria. Els survegnan l'ensaina d'onur, n'èn dentant betg deliberads da las contribuziuns statutaras.

Las uniuns da pestga ston annunziar en scrit lur veterans a la suprastanza chantunala fin il pli tard ils 30 da november da l'onn current.

### **Art. 6**

Tut ils commembers activs da las uniuns da pestga pajan ina contribuziun annuala che la radunanza da delegads fixescha. Mintga commember activ ha il dretg d'access als statuts.

Cun l'annunzia per entrar en la FCPGR ston las uniuns preschentar lur statuts a la suprastanza chantunala per l'approvaziun. Ultra da quai ston las UP trametter a la

suprastanza chantunala mintg'onn per ils 30 da november las contribuziuns annualas ed il rapport annual. Midadas en las suprastanzas da las UP ston immediat vegnir annunziadas a la suprastanza chantunala. Da tut las petiziuns e dumondas da las UP a las autoritads duess vegnir tramess ina copia a la suprastanza chantunala.

## **Art. 7**

La commembranza scada:

- a) sin fundament d'ina decleraziun d'extrada en scrit;
- b) la FCPGR po da tut temp excluder commembers che na pajan betg la contribuziun annuala;
- c) tras la decisiun da la radunanza da delegads, sche l'UP respectiva ha surpassà cleramain ils duairs da l'uniun.

Cun l'extrada u l'exclusiun scada tut il dretg a la facultad da la federaziun.

## **III. Organisaziun**

### **Art. 8**

Ils organs da la federaziun èn:

- a) la radunanza da delegads
- b) la conferenza dals presidents
- c) la suprastanza chantunala
- d) ils revisurs da quint

### **Art. 9**

A la radunanza da delegads ha mintga uniun ina vusch da basa e per mintgamai 20 commembers che pajan contribuziun u parts sur 10 commembers in'ulteriura vusch. Commembers d'onur chantunals quintan sco commembers che pajan contribuziun. Per calcular il dumber da vuschs è decisiva la contribuziun annuala ch'è vegnida consegnada a la Federaziun chantunala dals pestgaders grischuns.

La cassa chantunala indemnisescha ad in delegà per secziun ils custs da viadi cun 50 francs pauschal.

La radunanza da delegads ordinaria sa scuntra ina giada ad onn la primavaira. Ina radunanza da delegads extraordinaria ha lieu, sche la suprastanza chantunala è da l'idea che quai saja necessari u sche almain tschintg UP pretendan quai sin

dumonda. La suprastanza chantunala fixescha il lieu ed il temp da la radunanza da delegads e communitgescha quai quindesch dis avant a las UP, als commembers d'onur ed ad auters interessents. La suprastanza chantunala è a medem temp il biro da la radunanza da delegads.

## **Art. 11**

Las fatschentas regularas da la radunanza da delegads ordinaria èn:

1. eleger ils dumbravuschs
2. approvar il protocol da l'ultima radunanza da delegads
3. approvar il quint annual, il budget, acceptar il rapport da revisiun e distgargiar ils organs da la federaziun
4. fixar la contribuziun annuala
5. concluder davart propostas:
  - a) da la suprastanza chantunala
  - b) da las secziuns
6. eleger per ina perioda d'uffizi da trais onns:
  - a) il president, il vicepresidente, l'actuar, il cassier, il coordinatur dals curs per pestgaders giuvens (JUFIKU)
  - b) 6 assessurs da differentas parts dal chantun
  - c) ils revisurs da quints
  - d) las personas responsablas per la lavur publica sin proposta da la suprastanza chantunala
  - e) 8 instructurs principals (IP) per ils curs per pestgaders giuvens (JUFIKU)
7. far las nominaziuns ed onuraziuns
8. fixar il proxim lieu da radunanza

## **Art. 12**

Mintga radunanza da delegads convocada conform a l'urden è cumpetenta da decider, sche almain in terz da tut las secziuns è preschent.

## **Art. 13**

Propostas da las secziuns ston vegnir inoltradas en scrit a la suprastanza chantunala il pli tard 2 emnas avant la conferenza dals presidents. Propostas che vegnan fatgas pir a la radunanza da delegads pon vegnir decleradas sco relevantas tras ina decisiun da maioritad da dus terzs e vegnir assegnadas a la suprastanza chantunala per examinaziun e proposta.

## **Art. 14**

Las decisiuns vegnan prendidas cun ina maioritad averta, nun ch'i saja vegni dumandà e decidì ordavant da votar cun scrutini. Votaziuns davart exclusiuns d'uniuns vegnan adina fatgas cun scrutini. Per elecziuns è decisiva la maioritad absoluta e per votaziuns la maioritad relativa da las vuschs valaivlas. Ils commembers da la suprastanza chantunala e commembers betg delegads han mo ina vusch consultativa. Al president chantunal è resalvada ina eventuala vusch da tagl.

## **Art. 15**

La suprastanza chantunala convochescha mintg'onn la conferenza dals presidents. En cas fitg speziels pon era tschintg UP pretender ina tala.

## **Art. 16**

La durada d'uffizi dals commembers da la suprastanza da la FCPGR munta a trais onns cun ina limitaziun dal temp d'uffizi a dudesch onns. La suprastanza restrenscha tschenta il president, il vicepresidente, l'actuar, il cassier ed il coordinatur dals curs per pestgaders giuvens. Plinavant appartegnan sis assessurs regionals a la suprastanza chantunala.

## **Art. 17**

Las incumbensas da la suprastanza chantunala èn:

- mantegnair e promover conscienziusamain ils interess da la federaziun;
- proponer l'admissiun dad UP en il senn d'art. 3;
- convocar ed organisar la radunanza da delegads e la conferenza dals presidents;
- exequir lur decisiuns;
- examinar las dumondas e propostas da las UP, las tractar u las transmetter;
- exequir las fatschentas currentas da la federaziun e manar la cassa;
- organisar ils curs per pestgaders giuvens (JUFIKU) en collavuraziun cun l'Uffizi da chatscha e pestga dal Grischun (UCP);
- far lavur publica en favur da la pestga; tgirar la collavuraziun cun uniuns per l'ambient, manaders dad ovras electricas ed autoritads;
- proteger e mantegnair il spazi da viver dals peschs.

## **Art. 18**

Il president maina las sesidas da la suprastanza, la radunanza da delegads e la conferenza dals presidents. El scriva en num da la suprastanza chantunala il rapport annual correspondent. Tut las fatschentas impurtantas da la federaziun maina el comunablamain cun il vicepresident ed ha la suttascripziun lianta ensemen cun in auter commember da la suprastanza.

Il vicepresident sustegna e represchenta en cas da basegn il president en sias funcziuns. L'actuar scriva ils protocols da las sesidas da la suprastanza, da la radunanza da delegads e da la conferenza dals presidents ed als preschenta mintgamai a la proxima sesida, resp. radunanza per approvaziun. Ultra da quai è el responsabel per la lavur da medias e da publicitad. Il cassier maina la cassa e la contabilitad e suttametta per ils 31 da december il quint annual a la radunanza da delegads.

Il coordinatur dals curs per pestgaders giuvens e pestgaders novs organisescha e coordinescha en collavuraziun cun l'Uffizi da chatscha e pestga dal Grischun (UCP) ils curs da JUFI che han lieu mintg'onn en las parts dal chantun definidas. El maina las sesidas correspondentas e la cumissiun per la scolaziun.

Ulteriurs detagls pon ins leger en il reglament dals curs per pestgaders giuvens (JUFIKU).

Ils assessurs ston sustegnair ils ulteriurs commembers da la suprastanza ed als represchentar en cas da basegn. A medem temp tgiran els sco represchentants regionalis il contact cun las uniuns e fan valair lur interess en la suprastanza chantunala.

## **Art. 19**

Ils revisurs da quints cun examen uffizial controlleschan la cassa e la contabilitad ed elavuran il rapport e la proposta per mauns da la radunanza da delegads ordinaria.

## **Art. 20**

Il redactor dal Bündner Fischer è obligà da prender part a la radunanza da delegads ed a la conferenza dals presidents. Cun l'invitaziun correspondententa po el era participar a las sesidas da la suprastanza da la FCPGR. Ses dretgs e duairs èn fixads e reglads en in carnet da duairs elavurà da la suprastanza chantunala.

## **IV. Finanzas**

### **Art. 21**

La facultad da la federaziun sa cumpona da:

- a) las contribuziuns annualas dals commembers obligads a contribuziuns tenor art. 6 da las UP respectivas;
- b) il tschains da la facultad da la federaziun;
- c) surplis e d'entradas da la scolaziun da pestgaders giuvens che vegnan administrads en in fond separat;
- d) sponsuradis;
- e) ulteriuras entradas.

Las UP èn obligadas da consegnar las contribuziuns dals commembers fin il pli tard ils 30 da november da l'onn da federaziun scadent a la cassa chantunala. Decisiv è il dumber da commembers da l'onn precedent (taxa FSP). Ils daners ston vegnir investids en vaglias cun segirtad tutelara che portan tschains.

### **Art. 22**

Da la cassa chantunala vegnan pajads:

- a) las contribuziuns annualas a la Federaziun Svizra da Pestga (FSP) u ad in'otra organisaziun tetgala;
- b) ils custs d'administraziun generals e las spesas dals commembers da la suprastanza, dals revisurs da quints e dals delegads;
- c) las indemnizaziuns correspudentas da la suprastanza restrenschiada che vegnan fixadas ed approvadas mintg'onn a basa dal budget a chaschun da la RD ordinaria;
- d) l'indemnizaziun da sesida da la suprastanza chantunala che munta a tschuncanta francs (CHF 50.–) per commember e sesida;
- e) las expensas en connex cun ils curs per pestgaders giuvens (JUFIKU).

### **Art. 23**

Ils commembers da la suprastanza da la FCPGR ed ils revisurs da quints inditgeschan ils custs ed il dabun da spesas en il formular da spesas correspondent e transmettan quel enfin la fin da december al cassier.

Il cassier sto examinar e visar tut ils quints e quints da spesas.

Per impegns da la federaziun garantescha mo la facultad da la federaziun.



## **V. Disposiziuns finalas**

### **Art. 24**

Il reglament da la concorrenza da Buna Pestga chattais Vus en l'aggiunta da quests statuts.

### **Art. 25**

Propostas da revisiun dals statuts existents u da singuls artitgels ston vegnir inoltrads fin il pli tard 2 emnas avant la conferenza dals presidents a la suprastanza chantunala cun ina motivaziun correspondent. La dumonda vegn integrada en la glista da tractandas ed il text respectiv communitgà a las UP. Ina midada dals statuts pretenda ina maioritad da dus terz da las vuschs preschentadas u represchentadas a la radunanza da delegads.

### **Art. 26**

En cas d'ina eventuala schliaziun da la Federaziun chantunala dals pestgaders grischuns (FCPGR) vegn la facultad existenta surdada a la FSP, sch'ins n'ha betg fundà entaifer 10 onns suenter la schliaziun ina nova federaziun cun ils medems intents e las medemas finamiras sco la FCPGR.

### **Art. 27**

Quests statuts èn vegnids approvads da la radunanza da delegads ordinaria da la Federaziun chantunala dals pestgaders grischuns ils 12 d'avrigl 2014. Els remplazzan ils statuts dals 31 da mars 2001 e tut ils conclus precedents da la radunanza da delegads.

Bravuogn, ils 12 d'avrigl 2014

PER LA FEDERAZIUN CHANTUNALA DALS PESTGADERS GRISCHUNS

il president: *Ruedi Gerhard*

il vicepresidente: *Franco Arpagaus*